

bitramur; & eadem cum illa vrbe, quæ in Notitia Leoni tributa apud Leunclauium Gothia dicitur, & inter Archiepiscopatus seu sedes Autocephalas recensetur. Non enim alia verisimilior sententia mihi in mentem venit: maximè cum Zarmizegethusa Regia dicatur à Ptolemæo, reueraque maior illustriorque ciuitas huiusce regionis fuerit, in qua Gothi à patris sedibus exeuntes habitauerunt. Gothiam Metropolim statuit Ortelius non longè à Ponto Euxino, & rectè equidem, cum eam regionem Gothi incoluerint, sed ei locum non assignat: ego verò his non parum probabilibus ductus rationibus Zarmizegetusam esse conijcio. *Theotimus* autem Episcopus Gothiæ subscripsit Concilio Nicæno.

